



Ulloq: 15. september 2025
Allaffik: Nordatlantkontoret
Suli.suliar: Laura Friestrup-Jensen
Suliap normua: 2025-03716
Takussutissiaq: 3669140

**Aningaasaatit pigisallu aningaasanik nalillit pillugit
isumaqatigiissutit inuinnaallu akornanni pisassaqaataalersumik
neriorsoqatigiinnerit allat pillugit inatsisit assigiinngitsut
allanngortinneqarnerisa Kalaallit Nunaannut
atuutilersinneqarnissaat pillugit peqqussut**

UAGUT FREDERIK QULINGAT, Guutip Saammaassineratigut Danmarkip Kunngia,
uppersarparput:

Aningaasaatit pigisallu aningaasanik nalillit pillugit isumaqatigiissutit inuinnaallu akornanni pisassaqaataalersumik neriorsoqatigiinnerit allat pillugit inatsisip aamma inatsisit allat ilaasa allanngortinneqarneri pillugit inatsimmi (atuisutut isumaqatigiissutit ilaanni isumaqatigiissutini piumasaqaatit naleqqutinngitsut) nr. 1098-imi, 21. december 1994-imeersumi § 8, eqqartuussisarnermik inatsisip inatsisillu allat allanngortinneqarnerat pillugu inatsimmi (angajoqqaatut akisussaataasuuneq pillugu inatsisip malitsigisaanik allanngortitsinerit) nr. 389-imi, 14. juni 1995-imeersumi § 24, imm. 3, eqqartuussisarnermik inatsisip, akiliisinnaajunnaarneq pillugu inatsisip, eqqartuussivikkoortumik nalunaarsuineq pillugu inatsisip, aappariinnerup inatsisitigut sunniutai pillugit inatsisip kiisalu inatsisit allat allanngortinneqarneri pillugit inatsimmi (Kingornussassat agguarneqartarneri pillugit inatsisip malitsigisaanik allanngortitsinerit) nr. 385-imi, 22. maj af 1996-imeersumi § 16, imm. 3, atorfinitsitsineri immikkut piumasaqaatit pillugit inatsimmi nr. 1565-imi, 15. december 2015-imeersumi § 16, imm. 2, atuisutut isumaqatigiissutit aamma aningaasaatit pigisallu aningaasanik nalillit pillugit isumaqatigiissutit inuinnaallu akornanni pisassaqaataalersumik neriorsoqatigiinnerit allat pillugit inatsisip allanngortinneqarneri pillugit inatsimmi (New Deal for Consumers-imut (nutarterinissaq pillugu

peqqussummut) inatsisiliat ilaasa atortuulersinneqarnissaasa malitsigisaannik allanngortitsinerit aamma malittarisassat atuisunik illersuisut, nutarterinissaq pillugu peqqussutip avataaniittut) nr. 2158-imi, 27. november 2021-imeersumi § 4, imm. 2 malillugit aalajangersarneqarpoq:

§ 1

Aningaasaatit pigisallu aningaasanik nalillit pillugit isumaqatigiissutit inuinnaallu akornanni pisassaqaataalersumik neriorsoqatigiinnerit allat pillugit inatsimmi, inatsimmi nr. 104-imi, 31. marts 1965-imi Kalaallit Nunaannut atuutilersinneqartumi, peqqussutikkut nr. 350-ikkut, 14. juli 1980-imeersukkut allanngortinneqartumi, allanngortitsinerit tulliuttut suliarineqassapput:

1. § 21, imm. 2-imi oqaaseqatigiit siulliit aamma oqaaseqatigiit aappaat atorunnaarsinneqassapput, taakkunungalugu taarsiullugu ilanngunneqassaaq:

»Eqqartuussiviup erseqqinnerusumik aalajangiinera malillugu akiligassaqaarfigineqartut aggeqquneqarnerisa pinnginneranni, Statstidendemi, Atuagagdliutini (AG/Grønlandspostenimi) imaluunniit tusagassiummi allattami allami nalunaarutiginninnerup kingorna, ullup unnuallu naanerani pisinnaatitsissut atorunnaassaaq.«

2. § 22 ima oqaasertaliorneqassaaq:

»§ 22. § 32 malillugu, namminersorsinnaanermik inatsimmi § 2 malillugu piginnaatitsissummik tunniussisoq nammineersinnaassusiagaappat, inatsisitigut unioqqutinneqartussaannngitsumik isumaqatigiissusiorneq tassannga namminermi suliarineqarsimappat, pisinnaatitsissummik pigisaqartumit inatsisitigut unioqqutinneqartussaannngitsumik isumaqatigiissusiornermi inuk pingajuusoq, inummut namminersorsinnaajunnaarsitaasumut inatsisitigut inissisimanermik allamik pissarsissanngilaq. Pisuni taakkunani, inatsisitigut unioqqutinneqartussaannngitsumik isumaqatigiissusiornerup suliarineqarnerani pisinnaatitsissummik pigisaqartoq tamanna pillugu ilisimasaqarsimappat imaluunniit ilisimasaqartariaqarpat, taamatut inatsisitigut unioqqutinneqartussaannngitsumik isumaqatigiissusiorsimaneq, pisinnaatitsissut, § 18-imi taaneqartoq taamaattoq malillugu suliarineqarsimappat, inuup pingajuusup nammineersinnaassusiagaaneq

ilisimasimappagu imaluunniit ilisimasaqarfigisariaqarpagu, inuup pingajuusup inummut nammineersinnaassusiagaasimasumut inatsisitigut unioqqutinneqartussaannngitsumik isumaqatigiissusiorsimaneq illersorsinnaanngilaa.«

3. § 24 ima oqaasertaliorneqassaaq:

»§ 24. § 32 malillugu, namminersorsinnaanermik inatsimmi § 2 malillugu piginnaatitsissummik pigisaqartoq toqusimappat, nammineersinnaassusiagaasimappat, imaluunniit akiliisinnaajunnaarsimappat, toqusup pigisaanik nakkutilliisumit imaluunniit angajoqqaatut akisussaatitaasumit iliuusissat pisariaqartinneqartut aalajangerneqarnissaasa tungaannut, piginnaatitsissut iluaqutsiullugu piginnaatitsissummik pigisalik, ajunaaruteqarnissamut toqusup pigisaasa imaluunniit inuup nammineersinnaajunnaarsitaasup illersorneqarnissaanut pisariaqartinneqartunik inatsisitigut unioqqutinneqartussaannngitsunik isumaqatigiissusiorsinnaavoq.«

4. § 36, *imm. 1-mi*, »qaangiinnarneqarsinnaavoq« ima allanngortinneqassaaq: »allanngortinneqarsinnaavoq imaluunniit qaangiinnarneqarsinnaavoq«.

5. § 38 atorunnaarsinneqassaaq.

6. § 38-p kingorna kapitalitut nutaatut ilanngunneqassaaq:

»IV. Atuisutut isumaqatigiissutit pillugit malittarisassat immikkut ittut

§ 38 a. Kapitalimi matumani malittarisassat atuisutut isumaqatigiissutitut atuupput, matumani atuisutut isumaqatigiissutini piumasaqaatit ilanngullugit.

Imm. 2. Akuusup aappa (atuisoq) pingaarnertut nammineq inuussutissarsiutimi avataatigut pisiniarnerani, isumaqatigiissut, inuussutissarsiutillip inuussutissarsiornerninut atatillugu isumaqatigiissutaa, inatsimmi matumani atuisutut isumaqatigiissutitut paasineqassaaq. Isumaqatigiissutit atuisutut isumaqatigiissutaannginnera inuussutissarsiutillip uppersartussaavaa.

Imm. 3. Aammattaaq piumasaqaatit assingi *imm. 2-mi* taaneqartut ataanni, isumaqatigiissut, inuussutissarsiutillimmit akuusup aappaanut isumaqatigiissutigineqartoq imaluunniit ingerlateqqinneqartoq, atuisutut isumaqatigiissutit isigineqassaaq.

§ 38 b. Isumaqatigiissutip qanoq paasineqarnissaa pillugu nalornisoqalerpat, aamma isumaqatigiissummut piumasaqaat pineqarteq immikkut ittumik isumaqatigiissusiarineqarsimanngippat, piumasaqaat atuisumut iluaqutaanerpaamik nassuiarneqassaaq. Isumaqatigiissummi piumasaqaatip immikkut ittumik isumaqatigiissusiarineqarsimanera, inuussutissarsiutillip uppersassavaa.

Imm. 2. Allakkatigut isumaqatigiissut, atuisumut neqeroorutigineqarteq, inuussutissarsiutilimmit erseqqissunngorlugu paasinartunngorlugu suliarineqassaaq.

§ 38 c. Atuisutut isumaqatigiissutini § 36, imm. 1 atuuppoq. Tamanna niuernermi assuarnaatsumik ileqqunut akerliussappat aamma akuusut pisinnaatitaaffiitut pisussaaffiinullu annertuumik equngasoqarneranik kinguneqassappat, atuisumut ajoqutaasumik isumaqatigiissummi piumasaqaatit atuutsinneqarneranni, inatsisitigut sunniutit § 36, imm. 1-imi taaneqartut aamma atuutissapput, tassami taamaattoqarpas, tamannalu periarfissaappat, isumaqatigiissutip sinnerata allanngortinneqarnani atuutsinneqarnissaa atuisup piumasaqaatigisinnaavaa.

Imm. 2. Isumaqatigiissummi piumasaqaat, imm. 1-imi oqaaseqatigiit aappaanni ilaatinneqarteq, immikkut ittumik isumaqatigiissusiarineqarsimanngippat, piumasaqaat taamaattoq ilaannakortumik allanngortinneqarsinnaanngilaq imaluunniit qaangiinnarneqarsinnaanngilaq, kisianni tamakkiisumik qaangiinnarneqassalluni.

Imm. 3. Pissutsit qanoq pisullu, § 36, imm. 2-mi taaneqartut naliliineri ilaatinneqannginnerat pillugu allanngutis ilaatillugu, atuisutut isumaqatigiissutini § 36, imm. 2 atuuppoq, matumani isumaqatigiissutini allani piumasaqaatit, isumaqatigiissummut pineqartumut attuumassuteqartut, atuisumut ajoqutaasumik kingusinnerusukkut pisut pinneranni, isumaqatigiissutip qaangiinnarneqarsinnaannginneranik imaluunniit allanngortinneqarsinnaannginneranik sunniuteqartut eqqarsaatigineqarsinnaanerat ilanngullugit.

§ 38 d. Kalaallit Nunaata avataani aamma Det Europæiske Økonomiske Samarbejdsområde-imi nunami inatsisiliorneq isumaqatigiissummut atuutissasoq isumaqatigiissummi aalajangerneqarpas, atuisutut isumaqatigiissutini piumasaqaatit naleqqutinngitsut pillugit malittarisassat pillugit apeqqutini, aalajangersagaq taamaattoq atuutinngilaq. Aalajangersagaq taanna peqartinngu, tamanna pillugu Kalaallit Nunaanni

imaluunniit Det Europæiske Økonomiske Samarbejdsområde-ip iluani inatsisiliorneq isumaqatigiissummut atuutissappat, aamma inatsisiliornerup taassuma atuisoq isumaqatigiissutini piumasaqaatinut naleqqutinngitsunut pitsaanerusumik illersorpagu, tamanna taamaattoq taamaallaat atuutissaaq.

§ 38 e. Inuussutissarsiutillit isumaqatigiissutini piumasaqaatinik naleqqutinngitsunik atuinersut, aamma § 38 b, imm. 2-mik eqqortitsinersut, Atuisoqarnermut Unammilleqatigiinnermullu Aqutsisoqarfiup nakkutilliiffigissavaa. Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat malillugu nakkutilliineq ingerlanneqassaaq.

§ 38 f. Inuussutissarsiutillit piumasaqaatinik tamanut atugassiaasunik erseqqinnerusumik taaneqartunik atuisut, isumaqatigiissuteqartarnermik inatsimmi § 38 c malillugu atorneqarnissaat erseqqissumik naleqqutinngitsuusut, akiliisitsissummik pineqaatissiissutigineqarnissaat pillugit, Atuisoqarnermut Unammilleqatigiinnermullu Aqutsisoqarfimmit innersuussinerup kingorna, Inatsiseqarnermut ministeri malittarisassanik aalajangersaasinnaavoq.

Imm. 2. Aammattaaq ingerlatseqatigiiffiit il.il. (inatsisitigut pisinnaatitaasut pisussaatitaasullu) pinerluttulerinermi inatsimmi kapitali 5-imi malittarisassat malillugit pinerluttulerineq pillugu inatsiseqartitsineq malillugu akisussaatinneqarneqarnermik naalakkerneqarsinnaanerit pillugit, Inatsiseqarnermut ministeri aammattaaq malittarisassanik aalajangersaasinnaavoq.«

Tamatuma kingorna kapitali IV kapitali V-nngussaaq.

§ 2

Peqqussut ulloq [...] atuutilissaaq.

Tunniunneqarpoq [...], ulloq [...]

Kunngisut Atsiorpugut Naqissusiillutalu

FREDERIK R.

/ Peter Hummelgaard